

202 el bilarbei de la Grefia, presentandoli do veste, una damaschina, l'altra di scarlato, e ducati 8 in zerecha a li soi, justa el consueto; sichè li è venuto a le spale questa altra spesa. *Item*, avisa, per il navilio si rupe su quel di Satalia, dovea haver uno mandato dil Gran Signor fusse restitui le robe; ma adesso è zonta sta nova di Turchi e Mori presi; non potrà aver più nulla; sichè si trova in gran affanni.

Dil dito, pur di 3, trate di zifra. Come scrisse per altre de la pace si dovea concluder col re di Hongaria. Avisa adesso, per li olachi ritornati, come le cose è stà turbate, et questo perchè si feva la paxe con dito Re et tutti li principi cristiani; ma si dice el Signor non vol sia nominato Rodi; altri dice per non voler restituir li casteli tolse a ditò Re. Sichè è stà rimandali essi olachi in Hongaria, et li oratori riguardati fino torni la risposta. I quali oratori hungari el di de Pasqua el Signor li vesti e dovea ritornar. El Signor manda 1000 schiavi al Cayro per custodia di quel paese. Non si sa quanto el Signor starà ancora li in Andernopoli. Tien starà fino concludi dita paxe col re di Hongaria, poi si partirà per Constantinopoli per atender a le cose contra el Sophi. Scrive, di la nova di Candia nulla più è venuto, che prega Idio non sia el vero. Nè altro scrive, ma tegno in dite letere trate di zifra sia qualche altra particolarità, qual non fo leta, perchè li Cai di X haveano loro prima dite letere.

Di Chioza, di sier Hironimo Barbarigo podestà, date ozi a hore 9. Come, per el zonzer dil reverendissimo cardenal Egidio, havia fato de li la provision dil pesse; ma non essendo zonto ne è per zonzer ozi, bisognerà far provision di polami et colombini etc., perchè de li non ne sono. Et per alcuni merchanti, i quali è zontì de li, ha inteso el prefato cardenal Sabato era a Pavia, *demun* era partito e venuto a Cremona, poi a Mantoa, dove vol star do di, et tieneno che doman el potrà zonzer a Chioza.

Fo per Colegio chiamato sier Giacomo Moro oficial a le Raxon vecchie, et comessoli prepari polami e altro per Chioza.

Fu posto, prima si lezese le letere, per li Consieri, una parte di conzar el salvoconduto a quel Adamo condutier tedesco, *videlicet* dicea cussì, contentando li ereditori tutti, hora si lieva dita clausola aziò possi vegrin ad acordarsi. Fu presa, ave 61, 6, 2

203 Fu posto, per i Savii ai Ordeni, che le robe qual pagono li daci per le galie passate di Barbaria, et non fono contratate, et è ritornate con esse galie, non siano obligate pagar altri daci, volendo li merchadanti mandarle con le presente galie, constando

aver pagato una volta etc. Fu presa 138 de si, 4 di no.

Fu posto, per li Savii, che il daziario di Este Lucha di Mastelari, dil 1510, vol ristoro, sia expedito per Colegio per li do terzi de le balote. Io dissi è contra le leze, vol esser li tre quarti; et cussi conzono la parte, et fu presa: 112 de si, 28 de no.

Fu posto, per li Consieri, Cai di XL e Savi tutti, la parte dil Baylo e Consieri da esser electi a Napoli di Romania, *videlicet* habino el salario neto, *videlicet* Baylo per spexe ducati 550 a l'anno, e consieri 300 per uno. *Item*, el Baylo stagi dove stava el rector, et uno consier per lesera o acordo in castelo, dove stava el Camerlengo; la qual parte non se intendi presa, se la non sarà presa *etiam* nel Mazor Consejo, et fu presa, avè 152, 5.

Nota. Vulsì far conzar si digi retor e Provedador et non Baylo: *tamen* lassai scorer, el qual titolo stava assa' meglio.

Fu posto, per li Consieri, Cai di XL e loro Savi, che al reverendissimo cardenal Egidio vien in questa terra, per Colegio, sia speso come parerà per sue spese fin ducati 200, atento el bon officio ha fato per la Signoria nostra e in corte e altrove. Et poi sier Polo Capelo el cavalier savio dil Consejo, era in settimana, andò in renga, dicendo el bon officio fece in concistorio 1517, quando si tratò la cruciata, exortando al prender de la parte, e che questi tal cardinali *de facili* potriano esser Papa, non depende da aleun Stado, fe' lezer la letera di sier Marco Minio, orator nostro in corte, di 25 Novembrio, dil bon officio fe' dito cardenal in concistorio. *Item*, una di l'Orator nostro in Spagna *etiam* dil bon officio fece con quel Re per la Signoria nostra etc., poi vien qui disse per far un venetian Zeneral di l'ordene, et che 200 ducati è poco. Hor andò la parte, et fu presa. Ave 16 di no, 162 de si.

La qual, l'altra fiata, posto darli ducati 20 al zorno per spexe, non fu presa; sichè bisogna chiarir le cose al Consejo.

Fu posto, per sier Piero da cha' da Pexaro sa- 203* vio a Terra ferma, la expedition di capitoli di zudei, quali possando star in Geto, dove stanno et per tre anni, prestino a usura a raxon di 15 per 100 a tutti soto gran pene, pagino ducati 8000 a l'anno a la Signoria, tutta la università, con reformation di capitoli in bona forma *ut in eis*, pagando *etiam* le tanse, *videlicet* ducati 800 di Padoa et 300 Mestre; possano andar a prestar in le tere e lochi, dove sono di fuora, et presti a raxon di 20 per 100 etc., con molte scriture e capitoli riformati *ut in eis*, leti